

寄弟墨書

gi^v ti⁺ med^v shu^v

作者：鄭燮

年代：清

散文

十月二十六日得家書，
 shib^v ngied^v ngi⁺ shib^v liug^v ngid^v ded^v ga^v shu^v
 知新置田穫秋稼五百斛，
 di^v sin^v zhi^v tien^v vog^v ciu^v ga^v ng^v bag^v fug^v
 甚喜。而今而後，堪為農
 shim^v hi^v rhi^v gim^v rhi^v heu⁺ kam^v vui^v nung^v
 夫以沒世矣。我想天地間
 fu^v rhi^v mud^v she^v rhi^v ngo^v siong^v tien^v ti⁺ gien^v
 第一等人，只有農夫，而
 ti⁺ rhid^v den^v ngin^v zhi^v rhiu^v nung^v fu^v rhi^v
 士為四民之末。農夫上者
 sii⁺ vui^v si^v min^v zii^v mad^v nung^v fu^v shong⁺ zha^v
 種地百畝，其次七、八十
 zhung^v ti⁺ bag^v meu^v ki^v cii^v cid^v bad^v shib^v
 畝，其次五、六十畝，皆
 meu^v ki^v cii^v ng^v liug^v shib^v meu^v gai^v
 苦其身，勤其力，耕種收
 ku^v ki^v shin^v kiun^v ki^v lid^v gang^v zhung^v shiu^v
 穫，以養天下之人。使天
 vog^v rhi^v rhong^v tien^v ha⁺ zii^v ngin^v sii^v tien^v
 下無農夫，舉世皆餓死矣。

吾輩讀書人，入則孝，
出則弟，守先待後，得志，
澤加於民；不得志，修身
見於世，所以又高於農夫
一等。今則不然，一捧書
本，便想中舉人，中進士，
做官如何攫取金錢，造大
房屋，置多田產。起手便
錯走了路頭，後來越做越
壞，總沒有個好結果。其
不能發達者，鄉裡作惡，

小頭銳面，更不可當。
夫束修自好者，豈無其
人？經濟自期，抗懷千古
者，亦所在多有。而好人
為壞人所累，遂令我輩開
不得口。一開口，人便笑
曰：「汝輩書生，總是會
說，他日居官，便不如此
說了。」所以忍氣吞聲，
只得捱人笑罵。工人制器
利用，賈人搬有運無，

皆有便民之處，而士獨於
民大不便，無怪乎居四民
之末也，且求居四民之末
而亦不可得也。愚兄平生
最重農夫。新招佃地人，
必須待之以禮。彼稱我為
主人，我稱彼為客戶，主
客原是對待之義，我何貴
而彼何賤乎？吾家業地雖
有三百畝，總是典產，不
可久恃。

將來須買田二百畝，予
兄弟二人，各得百畝足矣，
亦古者一夫受田百畝之義
也。若再求多，便是占人
產業，莫大罪過。天下無
田無業者多矣，我獨何人，
貪求無厭，窮民將何所措
手足乎？